

---

## Reglur

### um fjárhagsaðstoð skv. lögum nr. 40/1991 um félagsþjónustu sveitarfélaga.

---

#### I. kafli Almenn ákvæði

##### 1. gr.

Skylt er að veita fjárhagsaðstoð til framfærslu einstaklinga og fjölskyldna sem ekki geta séð sér og sínum farborða án aðstoðar, sbr. IV. og VI. kafla laga nr. 40/1991 um félagsþjónustu sveitarfélaga, með síðari breytingum.

Heimilt er að veita einstaklingum og fjölskyldum aðstoð vegna sérstakra aðstæðna, m.a. vegna stofnunar heimilis, náms eða óvæntra áfalla.

Markmið með veitingu fjárhagsaðstoðar er alla jafna að veita einstaklingum og fjölskyldum aðstoð til sjálfshjálpar.

Gefa skal sérstakan gaum að fjárhagslegum og félagslegum aðstæðum barnafjölskyldna og meta sérstaklega þarfir barna vegna þátttöku þeirra í þroskavænlegu félagsstarfi, í samræmi við 30. gr. laga um félagsþjónustu sveitarfélaga.

Jafnan skal kanna til þrautar rétt umsækjanda til annarra greiðslna, þar með talið frá almannatryggingum, atvinnuleysistryggingum, lífeyrissjóðum og sjúkrasjóðum stéttarfélaga.

Fjárhagsaðstoð skal að öllu jöfnu beitt í tengslum við önnur úrræði svo sem atvinnuleit, fjármálaráðgjöf, sálfræðimeðferð eða nám í samræmi við V. kafla laga um félagsþjónustu sveitarfélaga. Heimilt er að skilyrða fjárhagsaðstoð við úrræði af þessu tagi.

##### 2. gr.

##### *Framfærsluskylda*

Hverjum manni er skylt að framfæra sjálfan sig, maka sinn og börn yngri en 18 ára. Fólk sem er í skráðri sambúð í þjóðskrá á sama rétt til fjárhagsaðstoðar og hjón.

##### 3. gr.

##### *Lækkun grunnfjárhæðar*

Hafi umsækjandi hafnað atvinnu eða sagt starfi sínu lausu án viðhlítandi skýringa er félagsmálanefnd heimilt að greiða lægri fjárhæð til framfærslu en tilgreint er í reglum þessum.

Sama á við atvinnulausan umsækjanda sem ekki framvísar skráningarskírteini eða dagpeningarvottorði frá svæðisvinnumiðlun án viðhlítandi skýringa.

*4. gr.*

*Réttur fylgir lögheimili*

Umsókn um fjárhagsaðstoð skal leggja fram í lögheimilissveitarfélagi. Purfi fólk á skyndilegri aðstoð að halda í dvalarsveitarfélagi er skylt að veita tímabundna aðstoð. Skal um það haft samráð við lögheimilissveitarfélag og aðstoð metin og veitt í samræmi við reglur þess. Lögheimilissveitarfélag endurgreiðir dvalarsveitarfélagi kostnaðinn, sbr. 14.gr. laga um félagsþjónustu sveitarfélaga.

*5. gr.*

*Tímabil samþykkis hverju sinni*

Fjárhagsaðstoð skal að öðru jöfnu vera greidd einn mánuð í senn og skulu ákvarðanir um aðstoð að jafnaði ekki ná yfir lengra tímabil en þrjá mánuði. Þegar umsækjandi fær jafnframt bætur frá Tryggingarstofnun ríkisins og ljóst er að aðstæður hans muni ekki breytast, er heimilt að samþykkja aðstoð í sex mánuði í senn. Aðstæður þeirra sem fengið hafa fjárhagsaðstoð lengur en sex mánuði skulu kannaðar sérstaklega, félagsleg ráðgjöf veitt í samræmi við V. kafla laga um félagsþjónustu sveitarfélaga og ef við á skal máli vísað til Ráðgjafarstofu um fjármál heimilanna.

Í undantekningartilvikum er heimilt að veita fjárhagsaðstoð vikulega vegna sérstakra aðstæðna.

*6. gr.*

*Fjárhagsaðstoð aftur í tímann*

Fjárhagsaðstoð er aldrei skylt að veita lengra aftur í tímann en tvo mánuði frá því að umsókn er lögð fram, sbr. 3.mgr. 21.gr. laga um félagsþjónustu sveitarfélaga.

**II. kafli**

**Umsókn um fjárhagsaðstoð**

*7. gr.*

*Umsókn og fylgigögn*

Umsóknir um fjárhagsaðstoð skal leggja fram hjá Félags-og skólalþjónustu Snæfellinga.

Við mat á umsókn um fjárhagsaðstoð skulu liggja fyrir eftirtalin gögn:

- Umsókn á þar til gerðu eyðublaði, undirrituðu af umsækjanda eða talsmanni hans. Þar skulu koma fram upplýsingar um:
  - persónulegar aðstæður
  - lögheimili

- fjölskyldugerð, jafn og kennitölur maka og barna á framfæri
- atvinnustaða
- nákvæmar upplýsingar um eignir og tekjur
- upplýsingar um skuldir
- staðfest afrit af skattframtali síðasta árs
- erindi umsækjanda
- Launaseðlar og bótaseðlar frá Tryggingastofnun ríkisins, lífeyris- og sjúkrasjóðum frá undanförunum þremur mánuðum ásamt staðfestu skattframtali eða álagningaræðli.
- Yfirlit yfir allar þær tekjur eða greiðslur fyrir skatta sem umsækjandi, maki og/eða aðrir fjölskyldumeðlimir eiga rétt á og njóta svo sem atvinnuleysisbætur, meðlög, barnabætur, mæðra-/feðralaun, leigutekjur o.s.frv.

Sé umsækjandi atvinnulaus skal hann framvísa skráningarskírteini frá vinnumiðlun er staðfestir atvinnuleysi hans. Njóti umsækjandi réttar til atvinnuleysisbóta skal hann framvísa dagpeningavottorði. Hafi umsækjandi ekki fengið atvinnuleysisbætur vegna veikinda skal hann framvísa læknisvottorði. Hafi hann ekki skráð sig hjá vinnumiðlun, án viðhlítandi skýringa, hefur það áhrif á fjárhæð, sbr. 3.gr. þessara reglna.

Sé um veikindi að ræða skal umsækjandi framvísa læknisvottorði.

#### *8. gr.*

Félagsmálanefnd getur, ef þörf krefur, aflað frekari upplýsinga um tekjur og eignir umsækjanda, m.a. hjá skattayfirvöldum, atvinnurekendum, Tryggingastofnun ríkisins, lífeyrissjóðum og Atvinnuleysistryggingasjóði. Skal það gert í samráði við umsækjanda. Neiti umsækjandi að veita upplýsingar um fjárhag sinn eða maka stöðvast afgreiðsla umsóknar hans.

### III. kafli

#### Réttur til fjárhagsaðstoðar

#### Mat á fjárbörf og útreikningur fjárhagsaðstoðar

#### *9. gr.*

#### *Mat á fjárbörf*

Við ákvörðun á fjárhagsaðstoð skal grunnfjárbörf til framfærslu lögð til grundvallar og frá henni dregnar heildartekjur. Með framfærslukostnaði er átt við þann lágmarkskostnað sem ætlað er að einstaklingur eða fjölskylda geti lifað af.

Tekið er tillit til sérstakra aðstæðna eftir því sem við á, sbr. reglur þessar.

#### *10. gr.*

#### *Grunnfjárhæð*

#### *Framfærsla barna talin með*

Fjárhagsaðstoð til einstaklinga 18 ára og eldri miðast við grunnfjárhæð, sem er 1. janúar 2016 kr. 137.218 á mánuði og framreiknast í samræmi við vísitölu neysluverðs ár hvert.

Framfærslukostnaður miðast við fjölskyldustærð og hækkar eftir því sem hér segir:

Einstaklingur *grunnfjárhæð* x 1,0  
Tveggja manna fjölskylda " x 1,6  
Þriggja manna fjölskylda " x 1,8  
og svo framvegis þannig að aukning vegna hvers fjölskyldumeðlims nemur 0,2.

*11. gr.*

*Tekjur umsækjanda*

Allar tekjur umsækjanda og maka ef við á, undanfarna þrjá mánuði, eru taldar með við mat á fjárbörð. Með ráðstöfunarfé einstaklings eða fjölskyldu er m.a. átt við eftirtalið:

- Allar tekjur umsækjanda og maka ef við á, undanfarna þrjá mánuði, að frádregnum opinberum gjöldum og stéttarfélagsgjöldum.
- Allar greiðslur frá Tryggingastofnun ríkisins nema umönnunarbætur
- Greiðslur úr lífeyrissjóðum og sjúkrasjóðum stéttarféлага
- Atvinnuleysisbætur
- Meðlög, barnabætur og mæðra-/feðralaun
- Endurgreiðslur vegna ofgreiddra skatta
- Leigutekjur o.sfrv.

**Sérákvæði**

*12. gr.*

*Atvinnurekendur, sjálfstætt starfandi einstaklingar og fólk í hlutastörfum*

Atvinnurekendur og sjálfstætt starfandi einstaklingar, sem hafa lægri tekjur en sem nemur grunnfjárhæð, eiga rétt á fjárhagsaðstoð að því tilskildu að þeir hafi stöðvað atvinnurekstur og leitað réttar síns til atvinnuleysisbóta í samræmi við ákvæði laga um atvinnuleysistryggingar, nr. 12/1997. Sé umsækjandi sjálfstætt starfandi eða launþegi í hlutastarfi með tekjur undir grunnfjárhæð skal gerð krafa um að viðkomandi skrái sig hjá vinnumiðlun og leiti að fullu starfi.

*13. gr.*

*Mat á tekjum bænda*

Stundi umsækjandi búrekstur skal mat á tekjum byggt á skattframtali síðasta árs vegna umsókna, sem berast fyrir 1. júlí, en með umsóknum sem berast síðar skal einnig fylgja rekstrar- og efnahagsyfirlit uppfært til 30. júní sl. Þá liggja einnig fyrir greiðslumark búans, breytingar á bústofni, yfirlit yfir eignir og skuldir aðrar en þær er tengjast viðkomandi rekstri, auk tekna utan búans undanfarna tvo mánuði. Fjárbörð skal miða við grunnfjárbörð, sbr. 10. gr.

*14. gr.*

*Námsmenn*

Einstaklingar sem stunda nám sem er lánshæft hjá Lánasjóði íslenskra námsmanna geta að öðru jöfnu ekki sótt um fjárhagsaðstoð.

Í undantekningatilfellum er unnt að veita öðrum námsmönnum á aldrinum 18 - 24 ára námsstyrki sem samsvara grunnfjárhæð ásamt skólagjöldum og bókakostnaði hafi þeir átt við verulega félagslega og/eða fjárhagslega erfiðleika að etja og hafa lítið félagslegt stuðningsnet.

Starfsmaður skal þá meta námsframvindu í hverju tilviki miðað við aðstæður hvers og eins. Nemandi skal leggja fram yfirlit yfir skólasókn mánaðarlega og einkunnir í annarlök. Miðað skal við að námið leiði til þess að nemandi geti síðar hafið nám sem er lánshæft hjá Lánasjóði íslenskra námsmanna.

Ákvarðanir um námskostnað skulu teknar fyrir hverja önn og er heimilt að halda námsaðstoð áfram með hliðsjón af námsframvindu.

#### IV. kafli

##### Heimildir vegna sérstakra aðstæðna

###### 15. gr.

###### *Aðstoð til tekjulágra foreldra vegna barna á þeirra framfæri*

a) Heimilt er að veita foreldrum sérstaka fjárhagsaðstoð hafi þeir, undanfarna þrjú mánuði, haft tekjur um eða undir grunnfjárhæð. Um er að ræða aðstoð til að greiða fyrir daggæslu barns í heimahúsum, leikskóla, skólamáltíðir, lengdan skóladað, sumardvöl og/eða þátttöku barns í þroskandi félags- og tómsundastarfi. Viðmiðunarmörk aðstoðar með hverju barni eru sem svarar hálfu meðlagi.

b) Heimilt er að veita tekjulágum foreldrum fjárstyrk vegna náms 16 og 17 ára barna. Hér er átt við foreldra sem hafa haft tekjur um eða undir grunnfjárhæð undanfarna 12 mánuði eða lengur. Skal styrkurinn miða að því að greiða áætlaðan bókakostnað og skólagjöld.

###### 16. gr.

###### *Sameiginlegt heimilishald*

Þegar umsækjandi um fjárhagsaðstoð býr hjá foreldrum/fjölskyldu og nýtur hagræðis af því lækkar fjárhagsaðstoð til framfærslu um 40% .

Geti umsækjandi sýnt fram á að hann njóti ekki hagræðis af sameiginlegu heimilishaldi er heimilt að veita óskerta fjárhagsaðstoð.

###### 17. gr.

###### *Greiðsla sérfræðiaðstoðar*

1) Heimilt er að veita fjárhagsaðstoð til greiðslu nauðsynlegra tannlækninga til einstaklinga sem búið hafa við langvarandi atvinnuleysi, eru lífeyrisþegar eða hafa notið fjárhagsaðstoðar til framfærslu til lengri tíma. Viðmiðunarmörk aðstoðar er 50 % af grunnframfærslu einstaklings á ári.

2) Í eftirtöldum aðstæðum er heimilt að veita fjárhagsaðstoð til greiðslu viðtala hjá félagsráðgjöfum, geðlæknum og sálfræðingum, sem liður í umfangsmeiri aðstoð:

a) þar sem umsækjendur hafa búið við mikla og langvarandi félagslega erfiðleika,

b) þar sem umsækjendur eða fjölskyldur þeirra hafa orðið fyrir alvarlegum áföllum, svo sem skyndilegum ástvinamissi eða alvarlegu ofbeldi.

Viðmiðunarmörk aðstoðar eru 10 viðtöl á ári.

## 21. gr.

### Útfararstyrkir

Heimilt er að veita aðstoð til greiðslu útfararkostnaðar þegar staðreynt hefur verið að dánarbúið getur ekki staðið undir útför hins látna. Viðmiðunarmörk eru tvöföld grunnframfærsla einstaklings.

Eftirfarandi gögn þurfa að fylgja umsókn um útfararstyrk; staðfest ljósrit af skattframtali hins látna, launaseðlar og greiðsluyfirlit frá tryggingum og lífeyrissjóðum, staðfesting frá stéttarfélagi um rétt til útfararstyrks, tilkynning sýslumanns um skiptalok á grundvelli eignayfirlýsingar, sbr. 25. gr. laga um skipti á dánarbúum o.fl., nr. 20/1991, eða einkaskiptaleyfi útgefið af sýslumanni til erfingja skv. 31. gr., sbr. 28. gr. laga um skipti á dánarbúum o.fl.

Heimilt er að veita eftirlifandi maka styrk vegna útfararkostnaðar þegar dánarbúið getur ekki greitt fyrir útför hins látna og eignir eftirlifandi maka eru ekki aðrar en íbúðarhúsnæði sem umsækjandi býr í.

Heimilt er að veita tekjulágu foreldri eða foreldrum fjárhagsaðstoð vegna útfararkostnaðar barns.

Samþykkt aðstoð greiðist gegn framvísun reiknings frá útfararstofu og annarra gagna um kostnað vegna útfarar.

## 22.gr.

### Aðstoð vegna áfalla

Heimilt er að veita einstaklingum eða fjölskyldum með tekjur undir grunnfjárhæð eða á mörkum hennar, fjárhagsaðstoð vegna skyndilegs missis búslóðar eða annars eignamissis sem orðið hefur vegna bruna eða náttúruhamfara. Aðstoðin kemur einungis til álita þegar tjónþoli hefur ekki haft heimilistryggingu eða aðra tryggingu sem bætir tjónið. Aðstoð miðast, að hámarki, við grunnframfærslu skv. 10. grein.

## 23.gr.

Heimilt er að meta eftirtalin útgjöld sem framfærslukostnað að hluta eða öllu leyti. Þessi kostnaður bætist við framfærslukostnað ef tekjur umsækjanda hafa verið undir eða við grunnframfærslu skv. 10. grein.

1. Fæðingastyrkur sem nemur 50% af grunnaðstoð einstaklings.
2. Fermingarstyrkur sem nemur 50% af grunnaðstoð einstaklings.
3. Stofnkostnaður síma hjá ellilífeyrisþegum og öryrkjum sem búa einir.
4. Vasapeningur til vistmanna á stofnunum þegar ekki er fyrir hendi réttur til annarra vasapeninga, að hámarki 5.000 kr. á viku.
5. Kostnaður vegna búslóðarflutninga að hámarki 25% af grunnframfærslu einstaklings.
6. Húsbúnaðarstyrkur til öryrkja sem eru að hefja sjálfstæða búsetu. Hámarksaðstoð miðast við grunnframfærslu einstaklings.
7. Dvöl á heilsustofnun í allt að 4 vikur fyrir fólk með mjög erfiðar félagslegar og fjárhagslegar aðstæður sem ekki á rétt á greiðslu frá stéttarfélagi, lífeyrissjóði eða öðru. Við mat á slíku skal liggja fyrir læknisvottorð.

8. Sérstakur styrkur til öryrkja til ástundunar námskeiða eða líkamsræktar.
9. Jólstyrkur sem nemur 50% af grunnaðstoð einstaklings en margföldunarstuðull fyrir hvern fjölskyldumeðlim er 0.5. Upphæð skal þó aldrei verða hærrí en því sem nemur grunnframfærslu einstaklings.
10. Dvalarkostnaðar á áfangaheimili í allt að 6 vikur eftir áfengis og/eða vímuefnaeðferð. Félagsmálanefnd getur ákveðið að styðja fólk til að vera lengur á áfangaheimili ef forsendur þykja vera til þess. Aðstoð félagsþjónustunnar við greiðslu dvalar á áfangaheimili skerðist í réttu hlutfalli við bótarétt viðkomandi.

## V. KAFLI

### Ákvarðanatáka um fjárhagsaðstoð

#### 25. gr.

Ákvörðun um fjárhagsaðstoð er tekin af eftirtöldum aðilum:

- félagsmálanefnd
- starfsmönnum nefndarinnar, þ.e. félagsmálstjóra og félagsráðgjafa.

#### 26. gr.

Félagsmálanefnd fer með eftirtalin mál varðandi fjárhagsaðstoð:

- Fjallar um öll stefnumarkandi mál varðandi fjárhagsaðstoð.
- Setur heildarreglur um afgreiðslu fjárhagsaðstoðar til einstaklinga og fjölskyldna og hefur eftirlit með því að eftir þeim sé farið. Endanleg staðfesting reglna er í höndum bæjarstjórna.
- Fjallar um ákvarðanir starfsmanna þegar umsækjendur skjóta máli til nefndarinnar.
- Fjallar um undanþáguheimildir sem starfsmenn skjóta til nefndarinnar skv. reglum þessum.

## VI. kafli

### Málsmeðferð

sbr. ákvæði stjórnsýslulaga, nr. 37/1993  
og ákvæði XV. og XVI.kafla laga um félagsþjónustu sveitarfélaga

#### 27. gr.

##### Könnun á aðstæðum

Kanna skal aðstæður umsækjanda svo fljótt sem unnt er eftir að umsókn um fjárhagsaðstoð hefur borist. Sama á við ef félagsmálanefnd berast upplýsingar um nauðsyn á aðstoð með öðrum hætti.

#### 28. gr.

##### Samvinna við umsækjanda

Öflun gagna og upplýsinga skal unnin í samvinnu við umsækjanda. Við meðferð umsóknar og ákvarðanatöku skal, eftir því sem unnt er, leitast við að hafa samvinnu og samráð við umsækjanda, eða talsmann hans ef við á.

*29. gr.*

*Varðveisla gagna, trúnaður og aðgangur að gögnum*

Málgögn er varða persónulega hagi einstaklinga skulu varðveitt með tryggilegum hætti. Hafi starfsmenn og fulltrúar í félagsmálanefnd kynnst einkahögum umsækjanda eða annarra í starfi sínu er þeim óheimilt að fjalla um þau mál við óviðkomandi nema að fengnu samþykki viðkomandi.

Umsækjandi á rétt á að kynna sér upplýsingar úr skráðum gögnum sem varða mál hans að svo miklu leyti sem það stangast ekki á við trúnað gagnvart öðrum.

*30. gr. Niðurstaða og rökstuðningur synjunar*

Kynna skal niðurstöðu umsóknar svo fljótt sem unnt er. Sé umsókn hafnað í heild eða að hluta skal umsækjandi fá skriflegt svar þar sem ákvörðun er rökstudd með skýrum hætti með vísan til laga um félagsþjónustu sveitarfélaga og reglna sveitarfélagsins um fjárhagsaðstoð.

*31. gr.*

*Útborgun*

Starfsmaður nefndarinnar gengur frá greiðsluheimild til bæjarritara í sveitarfélagi umsækjanda eða þess starfsmanns sem viðkomandi sveitarfélag tilnefnir. Sá starfsmaður sér um eftirlit með frágangi og sér um bókhald.

*32. gr.*

*Rangar eða villandi upplýsingar.*

Fjárhagsaðstoð veitt á grundvelli rangra eða villandi upplýsinga af hendi þess sem aðstoðina fær er endurkræf samkvæmt almennum reglum kröfuréttar. Ef sannreynt er, við vinnslu máls, að upplýsingar sem umsækjandi hefur veitt séu rangar eða villandi stöðvast afgreiðsla umsóknar.

*33. gr.*

*Málskot*

Umsækjandi getur skotið ákvörðun starfsmanna til félagsmálanefndar og ákvörðun félagsmálanefndar til úrskurðarnefndar félagsþjónustu. Skal það gert innan fjögurra vikna frá því umsækjanda barst vitneskja um ákvörðun félagsmálanefndar. Starfsmenn skulu kynna umsækjendum reglur um málskot um leið og kynnt er um afgreiðslu umsóknar.

Samþykkt í Félagsmálanefnd Snæfellinga og sveitarstjórnnum með áorðnum breytingum.

Hellissandi 1.sept. 2013.

---

Sveinn Elinbergsson, forstöðumaður FSS